

**BIZKAIA JAURERRIKO ABOKATUEN BAZKUN OHORETSUKO**  
**GOBERNU BATZORDEAREN KARGUAK HORNITZEKO**  
**HAUTESKUNDEAK**

Abokatuen Bazkun Ohoretsu honen Gobernu Batzordeak adostutakoaren arabera, 2013ko urriaren 3an egindako bilkuran, aipatu Batzorde horren karguak hornitzeko hauteskundeen deialdia egitea erabaki du, ondoren zehazten den moduan eta hurrengo betekizunekin:

**1º.-** Hornitu beharreko karguak honakoak dira: Dekanoa; **4, 5, 7 eta 9 Diputatuak; eta Diruzaina.**

**2º.-** Kargu horien iraupen epea **bost urtetakoa** izango da (Abokatutzaren Estatutu Orokorren 49-2. artikulua).

**3º.-** Abokatutzaren Estatutu Orokorren 49-1. artikulua xedatzen duenaren arabera, Bizkaia Jaurerriko Abokatuen Bazkun Ohoretsuaren esparruan hautesle egoiliarak direnak aurkeztu ahal izango dute euren burua **hautagai** izateko, baldin eta hurrengo egoeraren batetan ez badaude:

- a) Kargu publikoetarako desgaitasuna edo esekipena daraman epai irmo batek zigortu izana, aipatu zigor horiek irauten duten bitartean.
- b) Edozein Abokatu Bazkunean diziiplina zehapena jaso izana, birgaitzen ez duten bitartean.
- c) Bestelako Elkargo Profesionaletako organo zuzendarien kide izatea.

Hauteskunde deialdia baino hiru hilabete lehenago bazkun-kide diren guztiek parte hartu ahal izango dute **hautesle** modura.

**4º.-** Inork ezin izango du bere burua aurkeztu deialdi berean hornitu beharreko kargu baterako baino gehiagorako (Abokatutzaren Estatutu Orokorren 49-3. artikulua).

**5º.-** Hauteskundeetan, jardunean ari diren Abokatuen botoak balio bikoitza izango du beste bazkun-kideekiko, eta botoen gehiengo lortzen duten hautagaiak jasoko du hautetsi izaera. Berdinketarik bada, jardunean ari direnen artean boto gehien jaso duena izango da hautetsi; horrela ere berdinketak jarraitzen badu, jardunean denbora luzeagoan aritu dena izango da; eta horrek ere berdinketa apurtzen ez badu, adin nagusiagokoa (Abokatutzaren Estatutu Orokorren 49-4. artikulua)

**6º.-** Hauteskundeak, **2013ko azaroaren 28an, osteguna**, izango dira; mahaia **9:00etan** eratuko da eta **19:00retan** itxiko.

Bazkuneko egoitzan egingo da hauteskundera, Bilboko Uribitarteko Aldapak, 3, beheko solairuan.

**7º.-** Hautagaitza Bazkuneko Idazkaritzan aurkeztu beharko da, Bilboko Uribitarteko Aldapak, 3, bigarren solairuan, hauteskunderetarako finkatutako eguna baino **15 egun lehenago**. Epe amaiera **2013ko azaroaren 12an, 19:00retan** izango da.

Hautagaitza horiek taldekakoak izan daitezke zenbait kargu ezberdin hornitzeko, edo banakakoak kargu jakin batetarako. Hautagaiek eurek baino ezin izango dituzte izenpetu.

**8º.-** Gobernu Batzordeak, aurkezpen epea amaitu eta hurrengo egunean izendatuko ditu hautagaiak, legezko eskakizunak betetzen dituztenen artean. Une berean, kargu jakin batetarako aurkaririk ez bada, hautagai bakarra hautetsi izendatuko du.

**9º.-** Hauteskunde prozesuan zehar, edo bere emaitzaren aurka Gobernu Batzordearen aurrean, helegiterik tartekatzen bada (Abokatutzaren Estatutu Orokorren 49-5 artikulua), efektu bakarrean onartuko dira helegiteok, eta ez dute bozketa etengo, ezta hautetsien izendapena eta kargu hartzea ere, baldin eta bestelakorik adosten ez bada berariazko ebazpen arrazoitu baten bitartez, salbuespenezko zioak medio.

Deialdi honekiko Gobernu Batzordeak hartu duen berariazko erabakiaren arabera, indarrean dagoen Abokatutzaren Estatutu Orokorrak (658/2001 ekainaren 22ko Errege Dekretuak onartu zuenak) aurreikusten ez duen edozein gaitan, eta arauketa berririk onartu ezean, honako hauteskunde hauetan antzinako Estatutu Orokorrak (Uztailaren 24ko 2090/1982 Errege Dekretua) hauteskunde prozedura arlo honetan ezartzen dituen arauak aplikatuko dira.

Beraz, bazkun-kide guztiei jakinarazten zaie, Abokatutzaren Estatutu Orokorrak eta honekin bat datozen bestelako Xedapenek ezarritakoaren efektuetara.

Bilbao, a 7 de Octubre de 2013.



**NAZARIO DE OLEAGA PÁRAMO**  
DECANO



**JAVIER BOLADO ZÁRREGA**  
SECRETARIO